

周

禮

正

義

周禮正義卷十二

瑞安孫詒讓學

玉府掌王之金玉玩好兵器凡良貨賄之藏良善也此物皆式貢之餘財所作其不良又有受而藏之者疏掌王之金玉玩好兵器凡良貨賄之藏者兵謂五兵器謂車旗用器卽內府良兵良器是也此經司兵及它職云五兵兵甲兵革者皆單言兵不繁器爲文大司馬云軍器則又不言兵凡云兵器者並兵與器爲二鄭賈多釋爲軍器則與內府不合非也大宰注云金玉日貨布帛日賄則金玉玩好兵器亦良貨賄之種別此金玉玩好兵器及良貨賄卽大宰九賦之稅所造及九職之功所貢者故遂師云入野職野賦于玉府明此官爲其受藏之府內府亦掌

良貨賄此官蓋掌其尤良中王之服御者亦與彼爲官聯也易
貳云獸人曰皮毛筋骨入于王府廩人曰凡獻征入于王府廩
人曰斂其皮角筋骨入于王府澤虞曰掌國澤之政令守其財
物以時入之于玉府職金亦曰入其金錫于爲兵器之府入其
金石丹青于守藏之府此其玩好兵器良貨賄之物玉府皆掌
而藏之矣注云良善也者宰夫注義同云此物皆式貢之餘
財所作者賈疏云案上大府云式貢之餘財以供玩好之用彼
玩好之中兼有金玉兵器故知式貢餘財也云其不良又有受
而藏之者者賈疏云卽上大府云受藏受用之府是也詒讓案
以經云良貨賄明惟良者乃入此官其不良者仍入內外府諸
官也共王之服玉佩玉珠玉佩玉者王之所帶者玉藻曰君子

於玉比德焉天子佩白玉而玄組綬詩傳曰佩玉上有慈衡下
有雙璜衡牙嬪珠以納其間鄭司農云服玉冠飾十二玉疏共
王之服玉佩玉珠玉者此皆王服御之玉也江承云有法度之
玉典瑞掌之良貨賄之玉玉府藏之服玉佩玉珠玉食玉含玉
皆良貨賄之玉也詣讓案說文玉部云珠璣中陰精也此珠玉
則當是小玉圓好如珠者或亦琢玉爲之非蚌珠也爾雅釋地
云南方之美者有霍山之多珠玉焉彼珠卽小玉也荀子賦篇
云璇玉瑤珠不知保也則古珠或以瑤爲之毛詩衛風木瓜傳
云瓊瑤美石玉五散文亦通注云佩玉者王之所帶者者說
文人部云佩大帶佩也釋名釋衣服云佩倍也言其非一物有
倍貳也有珠有玉有容刀有帨巾有觿之屬也案容刀諸物所

謂事佩也與玉佩異賈疏云謂佩於革帶之上者也引玉藻曰君子於玉比德焉者彼下文卽說天子以下佩玉事故引以證王必佩玉之義聘義文亦略同云天子佩白玉而玄組綬者亦玉藻文鄭彼注云綬者所以貫佩玉相承受者也賈疏云所佩白玉謂衡璜琨珸玄組綬者用玄組條穿連衡璜等使相承受引詩傳者賈疏謂是韓詩案月令孔疏引韓詩外傳文與此同然今本外傳無此語疑出韓詩內傳也國語晉語韋注引詩傳及大戴禮記保傅篇賈子容經說佩玉並略同云佩玉上有葱衡者大戴禮保傳盧注云衡平也賈疏云衡橫也謂葱玉爲橫梁案說文玉部云珩佩上玉也所以節行止也衡卽珩之假字徐堅初學記器物部引三禮圖云衡長五寸博三寸上平爲衡

案鵠覽及聶氏三禮圖引並作博一寸疑徐引非是玉藻云一
命再命幽衡三命葱衡注云衡佩玉之衡也青謂之葱又云天
子佩白玉公侯佩山玄玉大夫佩水蒼玉世子佩瑜玉士佩瓀
致則天子以下佩玉各異所謂葱衡者卽大夫佩水蒼玉之衡
此鄭引詩傳成語故仍其舊文不復改易實則天子當佩白玉
衡不佩葱衡國語晉語云白玉之珩六雙楚語亦云楚之白珩
蓋卽天子所佩白玉衡也又詩傳云上有葱衡孔疏義亦謂
佩上止有一衡而宋本大戴禮及賈子月令章句三禮舊圖漢
書五行志注並云上有雙衡初學記器物部引魚豢魏略亦云
有雙珥雙珩珥璫衡牙珮珠爲佩者乃漢明帝采古文始制也
任大椿云攷衡之爲義惟一梁上橫追師之衡轉人之衡與佩

上之衡名義相似蓋以一衡爲上端下屬三組中組以貫珥衡牙旁組以貫兩珥及雙璜也若有兩衡何以貫三組乎況三禮舊闡明云衡長五寸若雙衡則一尺矣佩繫身旁而容一尺之衡其不適於體甚明故雙之作蕙當以韓詩爲正案任說甚覆孔廣森亦據儀禮經傳通解校改保傅雙衡爲蕙衡但據王藻則天子以下佩衡玉色各異大戴禮諸書並通說似制與詩說不同不宜槩沿三渝蕙衡之文陳奐黃以周並從舊本大戴禮作雙衡陳氏云珩爲佩玉最上之名行步下則雙璜與衡牙成聲上則珩與珩成聲采芑篇有玱蕙珩傳瑩珩聲謂卽雙珩之聲也鄭引詩傳者二宋釋采芑之蕙珩後儒因改大戴禮雙字爲蕙字天子自珩大戴言天子之珩不得爲蕙珩明矣案依陳

說則韓傳詁詩自作蕙衡戴記述禮又自作雙衡兩文不可強合其論實尤當晉語說白珩以雙計亦足爲保傳佐證但任謂衡之義取一梁上橫與車衡義同其說則固不誤蓋裸頭之玉不一今以條組交午貫穿若非以一衡總攝兩端則縣之革帶必有散亂之弊聲亦安能成節乎衡之不能與璫同爲平列分縣授之物理殆無疑義竊謂古佩玉自有雙衡而實非平列似當以兩玉重系縣之其形蓋橫平而上微隆起爲鈍角下微容邪剗劖出爲岐足故晉語韋注云珩形似磬而小楚語注又云珩上之橫者韋所謂象磬而上橫者自據漢以後橫縣之磬爲象然則三禮舊圖云上下平日衡亦對雙璜側垂大較言之實則廟上隆而下室與橫磬略同固非正平也其縣之則上下重沓

用去當不逾數分動則下衡之首與上衡恒相摩切故不藉衡牙而自能瑤然成聲而三組分墮於上下衡之中與兩旁則與一衡無異自無不能總攝之患揆校文制於禮或有合乎云下有雙璣衡牙者保傳盧注云半璧曰璣玉藻云佩玉有衡牙鄭注云居中央以前後觸也孔疏云凡佩玉必上繫於衡下垂三道穿以螭珠下端前後以輒於璣中央下端縣以衡牙動則衡牙前後觸璣而爲聲所觸之玉其形似牙故曰衡牙皇氏謂衡居中央牙是外辟兩邊之璣以衡牙爲二物若如皇氏說鄭何得云牙居中央以爲前後觸也賈疏云謂以組懸於衡之兩頭兩組之末皆有半璧曰璣故云雙璣又以一組懸於衡之中央於末著衡牙使前後觸璣故言衡牙案賈說是也依皇侃說則

瑣一名牙衝牙者以衝瑣得名與鄭賈說異保博盧注云衝在
中牙在僕說亦與皇同初學記及聶氏三禮圖引舊圖云下有
雙瑣徑三寸衝牙長三寸綜校諸說瑣蓋以徑三寸之璧而中
析之每瑣內蓋徑一寸其好半徑則五分也長皆如其全徑衝
牙長三寸橫設瑣間其兩角適切瑣好之中以雙瑣內各一寸
并衝牙三寸爲五寸與上衝之長適相準此亦衝橫縣之義證
也云嬪珠以納其閒者大戴禮保博云玳珠以納其間瑠瑠以
雜之盧注云納於衝瑣衝牙之間玳亦作嬪總曰玳珠而赤者
曰瑤白者曰瑤或曰瑣美玉瑤石次玉書禹貢云淮夷嬪珠孔
疏引鄭注云嬪珠珠名說文玉部云玳珠也宋弘云淮水中出
玳珠玳珠珠之有聲者重文作嬪云夏書玳从虫賓賈疏云嬪

蚌也珠出於蚌故言蠚珠納其閒者組繩有五皆穿珠於其閒故云以納其閒案賈蓋謂蠚爲蚌之別種因以名其珠卽本鄭義也玉藻疏謂佩組三道皆穿以蠚珠賈更及邪繫二組午貨四維故有五組與孔義實同也續漢書輿服志劉注引月令章句云佩上有雙衡下有雙璜瑤璫以雜之衝牙蠚珠以納其閒初學記器物部引三禮圖文略同又云璜中橫以衝牙以蒼珠爲瑞案此並讀衝牙蠚珠以納其閒爲句與盧辯及賈孔兩疏異漢書五行志顏注說同蓋衝牙居兩璜之間亦得爲納閒然鄭詣實不如是也依大戴記襍佩又有瑤璫毛詩關雎有文同車傳云佩有瑤璫所以納閒此注引詩傳則無瑤璫唯有蠚珠賈疏又云案毛詩傳衡璜之外別有瑤璫其瑤璫所置當於點

衡牙組之中央又以二組穿於瑤璠之內角斜繫於衡之兩頭
於組末繫於璜案諸釋賈說似以瑤璠爲一玉且准中組設之
與嬪珠獨綴五組不同而盧辨及三禮舊圖並謂瑤璠卽珠續
漢與服志注引顏延之纂要云瑤璠所以納閒在玉之間今自
珠也似亦以螭珠與瑤璠爲一珠乃玉珠非螭珠魏略以螭珠
爲琨珠說文玉部云琨石之美者則魚說雖不以琨珠瑤璠爲
一而亦不以爲螭珠並與賈義異注大椿云保傅篇先言葱衡
及雙璜衡牙特舉上下兩端也上下玉名旣著於是始言上下
之間貯以玭珠而玭珠之中又閒以瑤璠之玉其云瑤璠以雜
之猶云琨璠以閒之也鄭風佩玉瓊璠毛傳佩有瑤璠所以納
閒閒猶中也謂瑤璠納在衡璜衡牙之中也大戴禮注亦謂玭

珠納衡璫之間不及琨璠蓋彼注以琚璠爲珮珠別名非玉也
則佩上下惟有衡璫二玉欲明玭珠在納玉間惟得云納於衡
璫之間耳今攷雜佩以贈之傳雜佩者珩璜琨璠衡牙之類珩
璜衝牙與琨璠並舉珩璜衝牙既爲玉則琨璠亦爲玉明矣故
說文玉篇皆云琨石之似玉者說文云琨瓈琨玉篇亦云琨玉
也續漢志孝明皇帝乃爲大佩衝牙雙瑪璜皆以白玉然則漢
志明以白玉爲琨璠則琨璠不得爲玭珠矣案任謂琨璠非玭
珠是也賈前疏謂琨璠以白玉爲之與續漢志同則亦不謂與
蟠珠爲一任說與賈正合琨璠納闇似五組皆當有之與蟠珠
相錯其處而賈前疏則謂唯中組有之古書所說不詳宋以後
說者皆謂琨在中組雙琨在旁咸無稽證今亦無以定之

佩玉益通衡璫衡牙天璫璣螭珠言之夙以玉爲主言玉可以
駁百珠也鄭司農云服玉冠飾十二玉者賈疏云案弁師掌五
冕衰冕十二旒鷩冕九旒毳冕七旒綵冕五旒玄冕三旒皆十
二玉冕則冠也弁師又有皮弁韋弁冠亦皆十二玉故云冠飾
十二玉也論議案弁師又有玉笄玉瑱當亦在服玉之內先鄭
不言者文不具又月令春服着工夏服赤玉中央士服黃玉秋
服白玉冬服爻玉後鄭彼注云凡所服玉謂佩飾及所佩者之
衡璜也呂氏春秋孟春紀高注則直謂服爲佩彼不言佩玉故
服玉內兼有佩玉此服玉在佩玉之外故先鄭止舉冠飾之玉
爲釋也王齊則共食玉玉是陽精之純者食之以禦水氣鄭司
農云王齊當食玉屑疏注云玉是陽精之純者者賈疏云但玉

聲清濁則屬陽又案楚語云王孫圉與趙簡子言曰玉足以庇
蔭嘉穀使無水旱之灾則寶之珠足以禦火則寶之服氏云珠
水精足以禁火如是則玉是火精可知案賈說非也易說卦傳
云乾爲玉故爲陽精白虎通義攷覽篇云玉者德美之至也故
爲陽精之純者云食之以禦水氣者大戴禮記勸學篇及管子
侈靡篇並云玉者陽之陰也故勝水此謂玉可以禦水氣義益
與彼同但齊居路寢何必以禦水氣未審厥指賈疏謂恐起動
多故須玉以禦水氣亦未端鄭司農云王齊當食玉屑者楚辭
離騷云精琅靡以爲粃王注云精鑿也靡屑也精鑿玉屑以爲
儲糧是古有食玉屑之法賈疏云其玉屑研之乃可食前正變
云太平御覽引吳普本草云玉泉一名玉屑神農岐伯雷公甘

三輔黃圖云武帝鑄盤玉杯承露和玉屑服之以求仙道皆食玉也惠士奇云食玉掌於玉府而不掌於膳夫則玉非可食之物矣左傳成十七年聲伯夢或填已瓊瑰食之食玉者古象聲伯夢而惡之則玉非可食之物益明曾剗云方書亦有食玉法然非經義也膳夫職云王齊日三舉是齊食加日食二等其器必有用玉者玉藻正義天子朔月太牢當六簋盛舉刷八簋禮器注鎮簋謂刻而飾之天子以玉然則食玉益卽簋數日食朔食並有蓋玉府獨共王齊者變食亦變器也案先鄭說蓋據漢時神仙服食家言若俞氏所舉是也然其說不經於古未聞殆不足據惠氏糾之甚允通枝詰家之說惟曾說較爲近理蓋王者齊備盛饌則饌具之器亦宜備飾食玉者殆卽以玉飾食器若

玉敦玉豆之類皆是與大喪共含玉復衣裳角枕角柵角杖以
杭戶鄭司農云復招魂也衣裳生時服招魂復魄于大廟至四
郊角柵角匕也以柵齒土喪禮曰柵齒用角柵柵齒者令可成
含立謂復於四郊以緩疏大喪共含玉者此與典瑞爲官祔也
賈疏云大喪謂王喪含玉璧形而小以爲日實此不言贈玉故
玉者文不備江永云含玉玉府典瑞兩官並其豈玉府共之於
典瑞而典瑞乃共之以含與案江說近是此大喪疑亦通包王
后世子之喪賈說未晐含玉詳大寧疏云復衣裳者與司服爲
官聯也共與夏采祭僕穀僕等用之說文巾部云常下幫也重
衣裳常或从衣凡復時所用吉服薰服咸襦裳具有故經兼云
衣裳也賈疏云王始死招魂復魄之衣裳不在司服者司服所

掌是尋常衣服玉府所掌皆王之美物其衣服美者亦玉府掌之但所復衣裳用死者上服故玉府供之案賈說非也司服云大喪共其復衣服彼官所掌自裘冕以下升冠諸禮服無不備共則其美者不宜轉在此官據下經云掌王之燕衣服則此復衣裳疑亦當爲燕衣服王喪復於大小寢或兼用燕服也士冠禮大小斂皆祭服散衣並列彼注釋散衣爲袍繭之屬卽下經燕衣服也若然司服所共者祭服此官所共者殆卽散衣二官互相備與司服又有斂衣服奠衣服麻衣服當亦祭服散衣並有經皆不具也注云角枕以枕尸者說文木部云枕臥所薦首者詩唐風葛生云角枕粲兮毛傳云齊則角枕蓋枕尸用齊時枕也旣夕記始死云設牀第設枕喪大記沐浴之後云設牀

禮第有枕含一牀裘一牀遷戶於堂又一牀皆有枕席君大夫士一也彼枕皆卽此角枕鄭司農云復招魂也者夏采先鄭注云復於始死招魂復魄與此注義同楚辭招魂王敘云招者召也以手曰招以言曰召魂者身之精也士喪禮說復云北面招以衣卽謂招魂也檀弓孔疏謂招魂者是六國以來之言未墮云衣裳生時服者謂王生時常御之服明與明器之衣服異也云招魂復魄于大廟至四郊者于注例當作於各本並誤此亦據夏采文先鄭意彼文雖云以乘車載輶復於四郊亦兼有衣裳矣云至四郊者明白內及外晐祭僕復小廟隸僕復小殿大寢而言也云角柂角匕也者說文木部云禮有柂柂匕也又七部云匕所以比取飯一名柂廣雅釋器云柂匙匕也士冠禮側

尊一組醴有筐實勺解角柶鄭彼注云柶狀如匕以角爲之者
欲滑也喪大記孔疏云柶以角爲之長六寸兩頭曲屈聶氏三
禮圖云醴有柶用角爲之鋤有柶用木爲之舊圖云柶長尺榦
博三寸曲柄長六寸漆赤中及柄端又云疏匕亦形如飯乘以
棘爲之長二尺四十寸葉長八寸博三寸其柄葉通疏皆丹漆之
桃匕漆柄末及澆斗中皆朱柄葉長短廣狹與疏匕同案禮凡
拔醴拔羹並以柶蓋與匕飯匕牲體之匕形略同而用異據士
冠禮角柶有柶有葉舊禮圖說匕亦同禮圖之櫟即聘禮之搢
士冠禮之葉鄭注云葉柶大端是也云以柶齒者卽據士喪禮
文微注云爲將合恐其口閉急也喪大記疏云柶柱也以柶柱
張戶齒令開也引士喪禮曰柶曲用角柶者證角柶柶齒之事

喪大記云小臣楔齒用角柶綴足用燕几君大夫士一也則天子禮亦與士同故鄭引士禮爲證也楔齒必用角柶者蓋以始死不能猝辦喪器因以生時所用之角柶斷去其柶而用其曲柄故喪大記疏謂角柶長六寸與二禮舊圖角柶曲柄之長正合以其楔齒卽謂之楔旣夕記所云楔貌如輓上兩末蓋柶未斷時上端之柄有末而下端則爲據上鋒下圓止有一末至歛去其柶則曲柄乃有兩末正與車輓相似但車輓上附於衡下提牛領兩末必下向此楔齒則兩末上向爲異耳至於角柶曲柄乃其本制非爲楔齒乃屈之也賈疏乃謂如杵柶拔屈中央楔齒則似謂不去其柶而別屈其中央士喪禮疏亦云此角柶與柶體角柶別故屈之如杵蓋謂遇喪時別制此楔齒之角

棺與生時所用形制不同誤也云櫬齒者令可飯含皆含釋文
作哈案哈卽含之俗詳大宰疏謂始死時柱齒令不閉以待飯
含也云立謂復於四郊以綏者後鄭注復衣裳止用於廟寢也
賈疏云案夏采云以冕服復於大祖以乘車建旛復於四郊言
此者破先鄭於四郊亦以衣服掌王之燕衣服社席牀第凡燕
器燕衣服者巾絮寢衣袍襪之屬皆良貨賄所成第簣也鄭司
農云社席單席也燕器清器虎子之屬疏掌王之燕衣服社席
牀第者賈疏云謂燕寢中所有衣服之屬社席者亦燕寢中臥
席牀第者謂燕寢中牀簣也注云燕衣服者巾絮寢衣袍襪
之屬者明非燕居上服立端服也賈疏云巾絮者案內則左佩
紗帽紛帨卽巾也又婦事舅姑佩有線縷此絮則縷也寢衣者

謂韻經黨云必有寢衣長一身有半鄭注云今小臥被是也抱
絮者案毛詩云豈曰無衣與子同袍與子同禪是也王念孫云
絮與帮通帮亦巾也說文巾帮也巾帮卽巾絮也方言綢巾
也大巾謂之希嵩嶽之南陳頤之閒謂之帮郭璞音奴豬反漢
書周勃傳大后以冒絮提文帝應劭注曰陌額絮也晉灼曰巴
蜀異物志謂頭上巾爲冒絮說苑正諫篇吳王蒙絮覆面而自
刎謂以巾絮覆面也亦通作挈風俗通義怪神篇以挈巾結兩
足幘冠之是也疏以絮爲纊失之釋文不爲絮字作音蓋誤以
爲絲絮之絮矣案王說是也說文衣部云被寢衣袍襦也襪綰
也王肅云綰爲襪紐爲袍襪爲綰帛爲帑廣雅釋器云襪施長
襦也襪亦作襪釋名襪衣服云袍丈夫若下至附者也袍苞也

苞內衣也汗衣近身受汗垢之衣也詩謂之澤受汗澤也秦風無衣篇與子同澤箋云澤袞衣近汗垢案澤澤字通詩箋襍記注及論語鄉黨皇疏引鄭注並以袍澤爲袞衣蓋凡著袍襪者必內著襪次著袍次著中衣次加禮服爲表故賈聘禮疏云凡服四時不同假令冬有裘假身禪衫又有襦袴襦袴之上有裘裘上有褐衣褐衣之上又有上服皮弁祭服之等若夏則以絲絰絰之上則有中衣中衣之上復有上服若春秋二時則衣絰絰之上加以中衣中衣之上加上服也案賈說四時衣法甚嚴此注釋卽襪身禪衫袍卽襦之長者通言之亦得爲釋故廣雅釋襪並訓長襦而說文又訓襪爲綺也凡中衣以內之衣通爲袞衣燕居容有不加上衣或并不加褐衣中衣若玉

藻所謂振綺綵表裘者故亦通謂之燕衣服自裘爲司裘所掌外餘中衣及絲絰緼褶袍等此官盡共之矣中衣褐衣互詳司裘疏云皆良貨賄所成者賈疏云見上文云凡良貨賄之藏故知此良貨賄所成云第賃也者說文竹部云第牀版也喪大記注云禮第棧也爾雅釋器云賃謂之第郭注云牀版也喪大記注云禮第袒賃也案第爲牀上竹木之棧亦通謂牀爲第方言云牀齊魯之間謂之賃陳楚之間或謂之第與此經義小異鄭司農云衽席單席也者賈疏云案曲禮云請衽何趾鄭注云衽臥席又案斯干詩云下莞上簟內則云敝枕簟簟席櫛器而蔽之司農云單席則臥之簟席案賈說是也曲禮云請席何鄉請衽何趾微文以衽爲臥席對席爲坐席言之此經衽席與牀第並舉則衽

席並爲寢臥之席可知士皆禮御衽于輿牋衽長席在東北止
是臥席稱衽亦稱席也既夕訖云設牀第當牖衽下莞上簟此
士禮遷戶之席與生時臥席同禮器孔疏引熊氏云天子臥席
則亦下莞上簟詩斯干所云是也詩小雅疏亦謂寢臥之席自
天子以下莞草同依熊孔說則此經衽席卽下莞上簟之臥席
也先鄭云單席者禮器云天子之席五重此臥席蓋下鋪莞席
五重而上加簟席不重不重卽單席也先鄭意經衽爲親身之
簟席席則在下之莞席衽席異物猶內則簟席對文鄭注亦云
簟席之親身也若然衽席單席乃專釋衽字因文使連言席猶
酒正注澄酒三酒專釋酒字而連言澄也凡禮經同席而系設
之謂之重異席則謂之加上席有再加而皆止席席故曰單單

者不重之謂非無加之謂也詳司几筵疏云褻器溝器虎子之屬古說文衣部云褻私服引申之凡私褻之用器亦謂之褻器丁晏云史記萬石君傳石建取糲牛裙廁輪集解呂靜云櫛筭器也音咸豆賈逵解周官城虎子也筭行溝也孟康曰廁行溝筭行溝中受糲函也東南人謂鑿木空中如曹謂之筭鄭云清器猶行溝也義本賈君說文廁溝也廣雅廁廁也溝廁古今字案丁說是也賈景伯蓋以櫛筭詰此褻器而申釋其義急就篇云屏廁清溷糞土壤顏注云清言其處特異餘所常當加潔清也釋名釋宮室云廁或曰圊言至穢之處宜常脩治使潔清也蓋漢時名廁爲清故謂受糲之器爲清器溝器卽行溝謂以木爲函可移徙者通謂之廁與宮人之廁爲地廁別虎子盛糲

器亦漢時俗語後漢書獻帝紀李注引漢官儀云侍中分掌乘輿服物下至喪器虎子之屬西京雜記云漢朝以玉爲虎子以爲便器使侍中執之行幸以從是也說文末部云犧械衛喪器也與賈鄭義同賈疏云案內豎及葬執喪器以從送車波喪器振飾類沐之器與此注不同彼從葬於死者不用清器故爲類沐之器若合諸侯則其珠槃玉敦敦槃頸珠玉以爲飾古者以槃盛血以敦盛食合諸侯者必剖牛耳取其血歃之以盟珠槃以盛牛耳尸盟者執之故書珠爲夷鄭司農云夷槃或馬珠槃玉敦歃血玉器而若合諸侯者謂時見曰會殷見曰同司盟云凡邦國有疑會同則掌其盟約之載及其禮儀是也其十二年巡守殷國亦有盟法左昭十三年傳晉叔向曰明王之制使諸

俟歲聘以志業聞朝以講禮再朝而會以示威再會而盟以顯昭明杜注云十二年王巡守盟于方嶽之下彼聘朝會年數雖不與此經同而十二年巡守則一足爲巡守有盟之誇同者之盟封人所謂大盟也云則其珠槃玉敦者王大盟此官其槃敦以盛牛耳及血其諸侯自相與盟非玉府所共也共之者奉其器以授司盟及戎右三官相與爲官聯也或卑則又受而藏之注云敦槃類者廣雅釋器云盞孟也蓋敦字同詩衛風氓孔疏引孫炎爾雅注云敦器似盂士喪禮云黍覆用瓦敦有蓋又疏會而足注云敦有足則敦之形如今洒敦少牢饋食禮云主婦自東房執一金敦黍有蓋又云敦皆南首注云敦有首者尊者器飾也飾蓋象龜形賈氏微疏引孝經鉤命決云敦規首上

下圓相連疊氏三禮圖引舊圖云敦父一斗二升漆赤中大夫
銖口以白金粢少牢注謂敦飾蓋象龜形蓋者疑彝質彼疏謂
唯蓋象龜蟲圖從之非鄭情也依鄭孫諸說則敦之形制蓋與
簋相近亦有首有蓋有足又有無足者士喪禮謂之廢敦注云
廢敦無足者是也此玉敦嘗有足與金敦同金鵠云明堂位有
虞氏之兩敦周之八簋是敦爲虞器周用簠簋亦兼用敦然簠
簋爲天子諸侯之器而敦則大夫士用之內則言父母之敦耳
非嚴莫敢用是大夫士常食用敦也士昏禮黍稷四敦皆蓋是
昏禮用敦也少牢饋食禮主婦執一金敦黍又云上佐食取黍
稷于四敦是祭祀用敦也士喪禮朔月與有黍稷用瓦敦士虞
禮贊設二敦于俎南是喪禮用敦也經典並無天子用敦之文

玉府玉敦會盟所用器非祭器也九犧凡祭祀皆玉盞玉盞者王策蓋也鄭注玉盞玉敦誤云珠玉以爲飾者賈疏云此槃敦應以木爲之將珠玉爲飾耳案賈說是也禮器之敦皆木器而飾口以金瓦敦則無飾此玉敦蓋亦以木爲之而飾口以玉珠槃亦以琢玉小珠爲槃口之飾云古者以槃盛血以敦盛食者牛人祭祀共牛牲并共盆策先鄭注云盆所以盛血是祭祀盛血用瓦盆此槃則以木爲之形制蓋與盆相近敦盛食者內則注云敦牟黍稷器也九犧玉盞注亦以爲玉敦與此器同而用異賈疏云案特牲少牢皆敦盛黍稷以槃盛血雖無文郊血及血以告殺當以槃盛血也案賈說與牛人不合恐非是鄭意恒制槃盛血敦盛食盥則以槃承耳敦盛血不與常同也左傳僖

三十三年曹僖負羈饋晉公子粲於則槃亦可以盛食不定以
盛血矣云合諸侯者必剖牛耳取其血歃之以盟珠槃以盛牛
耳者說文欠部云歃飲也國語晉語韋注云歃飲血也此據孔
右玉敦辟盟與贊牛耳爲二事明珠槃盛耳不盛血也曲禮孔
疏云盟者殺牲歃血誓于神也盟法先墽地爲方坎殺牲于坎
上割牲左耳盛以珠盤又取血盛以玉敦用血爲盟書成乃歃
血而讀書云尸盟者執之者明大會同王尸盟卽王自執牛耳
也賈疏云尸猶主也小國主盟故使執牛耳也知此珠槃玉敦
爲盟而設者案戎右云盟則以玉敦辟盟遂役之贊牛耳桃荔
彼注云役之者傳敦血授當歃者割牛耳取血助爲之及血在
敦中以桃荔拂之是以知珠槃玉敦爲盟而設若然執牛耳是

小國戶盟者也若以歃血則大國在先故哀公十七年吳晉爭
先國語曰吳公先歃晉亞之既言爭先是以知大國當在先若
諸侯相與盟則大國戎右執牛耳也案賈說非也左定八年傳
晉師將盟衛侯于鄆澤衛人請執牛耳杜注云盟禮尊者沛牛
耳主次盟者衛侯與晉大夫盟自以當沛牛耳故請之又哀十
七年傳公會齊侯盟于蒙孟武伯問於高柴曰諸侯盟誰執牛
耳季羔曰鄙衍之役吳公子姑曹發陽之役衛石難武伯曰然
則執也杜注云執牛耳戶盟者鄙衍則大國執發陽則小國執
據時執者無常故武伯自以爲可執孔疏云劉炫以爲小國恒
執牛耳何得云執者無常黃以周云依禮諸侯相與盟大國執
發陽之役吳不盟宋皇瑗又臣魯衛無大小故石魋執杜劉說

晉失之詒讓案以左傳諸文覈之則執牛耳者必尸盟尸盟者必大國其常法也亦有時以小國尸盟則卽以小國執牛耳其變禮也故襄二十七年左傳宋之盟晉楚爭先叔向謂趙孟曰諸侯歸晉之德只非歸其尸盟也且諸侯盟小國固必有尸盟者是小國亦有尸盟之證然則執牛耳必尸盟不分大國小國賈及劉氏規杜並謂執牛耳必小國杜預春秋釋例云盟者殺牲載書大國制其言小國尸其事此卽劉賈諸說所本然與哀十七年傳注不合今攷鄭衍吳盟則公子姑曹執發陽吳不盟則衛石魋執似當以大國執爲正但蒙之盟魯與齊盟齊大於魯何以益武伯自謂當執牛耳則杜謂執者無常說自可通賈又謂歃血必大國在先尸盟則小國不知先歃卽是尸盟故宋

之盟晉楚爭先叔向以非歸其尸盟爲說又戎右賛牛耳亦非
卽執牛耳賈乃云若諸侯相與盟則大國戎右執牛耳此與戎
右職不合又與小國尸盟執牛耳之說自相違伐並非也左傳
定八年孔疏又云盟用牛耳卑者執之尊者涖之衛人請執牛
耳請使晉大夫執牛耳鄭衍吳爲盟主不知盟禮當令小國執
牛耳而自使其臣執之是分執牛耳涖牛耳爲二尤誤云故書
珠爲夷鄭司農云夷槃或爲珠槃者段玉裁云司農從或本作
珠鄭君從之也徐養原云珠夷形聲不同各爲一字凌人共夷
槃水依尸而爲言者也此不應與之同名故不從故書詒讓案
徐鍇本說文問部說盟禮作朱盤玉敦疑故書或本有作朱者
朱與夷形近與珠聲同故傳寫互異與云玉敦歃血玉器者玉

敦所以承血而傳歟之也春秋釋例云盟者珠槃玉敦以承流
血而同歟又史記平原君傳平原君適楚毛遂奉銅盤而跪進之楚王當歃血而定
曰取雞狗馬之血來毛遂奉銅盤而跪進之楚王當歃血而定
從於殿上據彼二文則槃亦以歃血或通言不別也凡王之獻
金玉兵器文織良貨賄之物受而藏之謂百工爲王所作可以
獻遺諸侯古者致物於人尊之則曰獻通行曰饋春秋曰齊侯
來獻戎捷尊魯也文織畫及繡錦疏凡王之獻金玉兵器文織
良貨賄之物受而藏之者並謂臣民獻之於王者王府則受而
藏之以備共御也注云謂百工爲王所作可以獻遺諸侯者
鄭以此經云王之獻與內府四方之幣獻文例相似彼幣獻爲
四方所進獻則此王獻亦據王所獻遺言之故謂此經金玉兵

器等皆是百工爲王作藏之玉府以備獻遺諸侯者百工則考工記攻金刮摩設色諸工是也云古者致物於人尊之則曰獻者鄭又釋天子遺諸侯物稱獻之義檀弓云仕而未有祿者君有餧焉曰獻鄭注云君有餧有餧於君與此注尊之曰獻義同賈疏云若正法上於下曰賜下於上曰獻若尊敬前人雖上於下亦曰獻是以天子於諸侯云獻案月令后妃獻繭鄭注謂獻於后妃知此王之獻金玉非是獻金玉於王者案下內府職凡四方之幣獻之金玉彼是足諸侯獻王入內府藏之不得在此故知金玉是獻遺諸侯者也況諸侯中兼有二王之後二王之後王所尊敬自然稱獻也若王肅之義取家語曰吾聞之君取於臣曰取與於臣曰賜臣取於君曰假與於君謂之獻以此推

鄭君鄭君弟子馬昭之等雖王肅禮記曰尸飲五君洗玉爵獻卿況諸侯之中有二王之後何得不云獻也案依王肅說則此經云獻亦爲臣獻於王劉敞易祓黃度林之奇王與之方苞林喬蔭黃以周說並同江永云注謂玉用以獻遺諸侯恐不然此謂臣下有獻於王如曲禮所謂大夫私行反必有獻少儀所謂君將適他臣如致金玉貨貝于君是也四方之幣獻則入之內府王引之云獻者獻於王也諸侯獻金玉兵器文織良貨脯之物於王則玉府爲王受而藏之若魯僖公納玉於王十穀之類是也若謂王獻諸侯之物則受而藏之者當在諸侯不得在玉府矣且何以別於下文凡王之好賜乎內府凡適四方使若其受之所受之物而奉之鄭彼注曰王所以遺諸侯者彼注王遺諸

侯之物故曰共日奉此爲諸侯獻王之物故曰受曰藏不可比而同之也至內府凡四方之幣獻之金玉齒革兵器凡貞貨賄入焉與此相同所謂官聯也若謂內府所掌王府不應與之同則內府掌共王及冢宰之賜予王府何以亦共王之好賜乎殆失之矣案江王宗王肅說並通少儀臣致饋於君則曰致廢衣於賈人彼注引此經爲釋似亦以獻屬臣獻君言之足正此注之誤云通行曰饋者說文食部云饋餉也廣雅釋詁云館遺也饋遺並通行之蘇賈疏云言通行者上於下下於上及平敵相於皆可云饋康子饋藥陽貨饋孔子豚皆是上於下曰饋膳夫職云王饋用六穀及少牢特牲稱饋食之禮並是於尊者曰饋朋友之饋雖車馬不拜是平敵相饋故鄭云通行曰饋引春秋

曰齊侯來獻戎捷尊魯也者莊三十一年經六月齊侯來獻戎捷左傳云非禮也凡諸侯有四夷之功則獻于王王以警于夷中國則否諸侯不相遺俘杜注云捷獲也獻奉上之辭又釋例云獻者自下奉上之稱遺者敵體相與之辭傳曰諸侯不相遺俘齊侯失辭稍獻失禮遺俘故因其來辭見自卑也以其大卑故書以示過杜例與鄭此注義同賈疏云然三傳皆不解獻義今鄭引者以齊大於魯言來獻明尊之則曰獻未必要卑者於尊乃得言獻云文織畫及繡錦者月令文織有恒注云文謂畫也說文糸部云織作布帛之總名也又帛部云錦襄邑織文也書禹貢兗州厥篚織文僞孔傳云織文錦綺之屬荀子禮論篇揚注云文織染絲織爲文章也任大椿云鄭分文爲畫織爲錦

繡其實錦織而繡刺鄭基以大通言之也詒讓案月令注云祭服之制畫衣而繡裳又下藻上不衣織注云織染絲織之益大夫以上服皆染絲織之織成文則爲錦織成綬縮而畫之則爲文刺之則爲繡畫兼布帛言之雖屬文亦得爲織繡錦皆帛之有文采者雖屬織亦得爲文故鄭兼釋之凡王之好賜其其貨賄疏凡王之好賜者內饔注云好賜王所善而賜也案好賜與大宰好用內饔好賜予義同賈疏謂王於羣臣有恩好因燕飲而賜之貨賄未折饔大宰內饔疏好用殷九式之末其事較輕而此及內府外府職歲職幣五官通掌之者此及內府具其貨賄外府職歲職幣則共其財用貨賄財用分儲諸官府或此有彼無不能一律故心眾官通共乃能具始也

內府掌受九貢九賦九功之貨賄良兵良器以待邦之大用大
用朝覲之班賜疏掌受九貢九賦九功之貨賄良兵良器者賈
疏云此九貢以下而言受卽是大府所云九貢已下頒之於受
藏之府是也案彼注云受藏之府若內府也則此九貢等由大
府而來內府皆受藏之也良兵良器此是冬官百工所作亦由
大府而來良兵謂弓矢殳矛戈戟五兵之良者良器謂車乘及
禮樂器之善者詔謾案九功卽九職貨賄卽九職商賈之貢良
兵良器卽九職百工之貢也其九貢九賦亦有之九貢九賦九
功並詳大宰大府疏注云大用朝覲之班賜者鄭意此大用
對職幣詔上之小用賜予故亦以班賜爲釋謂若覲禮賜侯氏
車服又云重賜無徵注云重猶善也所加賜善物多少由恩也

此貨賄良兵良器之等亦所以共重賜也賈疏云掌給九式及
所用是大府所給也好賜之用下府所給也此又言以待邦之
大用是朝覲頒賜可知黃以周云內府之大用謂祭祀賓客張
紀會同軍旅之大財用也注專以朝覲之頒賜言似偏案黃說
是也此大用與外府職幣小用相對爲文當通包九式之法用
與大府長屬同共不得強爲區別鄭賈說並未晐凡四方之幣
獻之金玉齒革兵器凡良貨賄入焉諸侯朝聘所獻國珍疏凡
四方之幣獻之金玉齒革兵器者大宰大朝觀會同有玉幣玉
獻之等是朝會之幣獻也聘禮云賓之幣唯馬出其餘皆東注
云馬出當從廢也餘物皆東藏之內府是聘之幣獻也二者蓋
皆藏於內府職方氏注云齒象齒也革犀兕革也詳彼疏云凡

良貨賄入焉者賈疋云其不良者入於職內給國之用此良者入內府以給王之用注云諸侯朝聘所獻國珍者國珍謂侯國所出之珍物大戴禮記朝事篇云奉國地所出重物而獻之明臣職也是也賈疏云觀禮所云匹馬卓上九馬隨之龜金竹箭分爲三享是也諸侯遣臣聘所獻國珍者謂若聘禮束帛加璧庭實乘皮之等是也此因朝聘而貢先入於掌貨賄入其要於大府乃始通之於內府也案賈謂朝覲庭實有龜金竹箭本鄭鄭禮注說似未確詳大行人疋凡適四方使者共其所受之物而奉之王所以遣諸侯者疏凡適四方使者者猶小行人云使適四方彼注云適之也賈疏云謂使公卿以下聘問諸侯若大行人所云問問省覲之等云共其所受之物而奉之者此物

亦據貨賄及良兵良器等而言凡使者所當受之物內府則依
法式共而奉與之注云王所以遣諸侯者者謂享幣之外別
有賜遺者也賈疏謂卽上王之獻金玉兵器等亦襲玉府注之
設凡王及冢宰之好賜予則共之冢宰待四方賓客之小治或
有所善亦賜予之疏注云冢宰待四方賓客之小治者據大宰
文此卽敍官注云百官總焉則謂之冢是也云或有所善亦賜
予之者說文予部云予推予也好賜予卽內饔玉府之好賜也
注訓好爲善與內饔注義同

外府掌邦布之人出以其百物而待邦之用凡有瀆者布泉也
布議爲宣布之布其藏曰泉其行曰布取名於水泉其流行無
不徧人出謂受之復出之共百物者或作之或買之待猶給也

有法百官之公用也泉始蓋一品周景王鑄大泉而有二品後
數變易不復識本制至漢唯有五銖久行王莽改貨而異作泉
布多至十品今存於民間多者有貨布大泉貨泉貨布長二寸
五分廣寸首長八分有奇廣八分其闊好徑二分半足枝長八
分其右文曰貨左文曰布重二十五銖直貨泉二十五大泉徑
一寸二分重十二銖文曰大泉直十五貨泉貨泉徑一寸重五
銖右文曰貨左曰泉直一也疏掌邦布之入出者此官爲九府
之一凡圜法鑄造及賦入之泉布此官總掌其入出之事與泉
府爲官職也惠士奇謂此邦布卽閻師之夫布亦卽荀子富國
篇所謂刀布之斂又管子輕重甲篇云屋粟邦布今案管子之
邦布卽載師之里布亦泉人之一耑也詳載師疏注云布泉

也者載師司市廛人羊人巫馬注並同檀弓注云古者謂錢爲泉布所以通布貨財國語周語章注云泉者金幣之名古曰泉後轉日錢云布讀爲音布之布者段玉裁云凡言讀爲音者必易其字此未易其字而曰讀爲何也雖未易其形而易其義也布字泉鐵爲本義宣布爲引伸之義以布可舒卷而引伸之也鄭恐人疑經謂布匹故舉引伸之義以易本義云其藏曰泉其行日布者明泉布異名同物以行之曰布故取宣布之義漢書食貨志顏注云布亦錢耳謂之布者言其分布流行也云取名於水泉其流行無不徧者漢書食貨志云貨寶於金利於刀流於泉布於布東於帛注引如滔云流行如泉也史記貨殖傳計然日財幣欲其行如流水云入出謂受之復出之者謂凡納邦布

者皆入於外府其須用者則外府復出之也云共百物者或作之或買之者作之謂出泉市材使官工營作之買之謂直出泉市已成物不須作者及動植諸物皆是也云待猶給也者大府主司云有法百官之公用也者此亦注用今字也謂官府之公私著於大宰九式之法者鄭意經云待邦之用凡有瀆者與倉人濫用義正同賈政以待邦之用謂國家非常所用凡有瀆者主在朝官府依常法用之強爲分別非鄭惜也云宋始鑄一品周景王鑄大泉而有二品者漢書食貨志云太公爲周立九府開法錢圓函方輕重以鉢周景王時忠錢輕將更鑄大錢單穆公曰不可古者天降災戾於是乎量資幣權輕重以救民民患輕則爲之作重幣以行之於是又有母權子而行民皆得焉若不

堪重則多作輕而行之亦不廢重於是乎有子權母而行小大
利之今王廢輕而作重民失其資能無憚乎王弗聽卒鑄大錢
文曰寶貨案國語周語亦載此事在景王二十一年韋注云單
穆公曰古者有母平子子權母而行則二品之來自古而然矣
鄭君云錢始一品至質王而有二品省之不然也案韋說是也
云後數變易不復識本制者謂秦及漢初泉法數變易不復識
古圖法之本制也云至漢唯有五銖久行者漢食貨志云漢興
以爲秦錢重難用更令民鑄莢錢孝文五年乃更鑄四銖錢其
文爲半兩武帝更造錢幣令縣官銷半兩錢更鑄三銖錢重如
其文明年有司更請郡國鑄五銖錢案漢初莢錢四銖三銖之
屬皆不久卽罷惟五銖終漢世行之故云唯五銖久行云王莽

改貨而異作泉布多至十品者漢食貨志云王莽居攝變漢制以周錢有子母相權於是更造大錢徑寸二分重十二銖文曰大錢五十又造契刀錯刀契刀其環如大錢身形如刀長二寸文曰契刀五百錯刀以黃金錯其文曰一刀直五千與五銖錢凡四品並行莽卽真以爲書劉字有金刀迺罷錯刀契刀及五銖錢而更作金銀龜貝錢布之品名曰寶貨小錢徑六分重一銖文曰小錢直一次七分三銖曰幺錢一十次八分五銖曰幼錢二十次九分七銖曰中錢三十次一寸九銖曰壯錢四十四厘大錢五十是爲錢貨六品直各如其文大布次布弟布壯布中布差布厚布幼布么布小布小布長寸五分重十五銖文曰小布一百自小布以上各相長一分相重一銖文各爲其布名

直各加一百上至大布長二寸四分重一兩而直千錢矣是爲布貨十品是王莽異作泉布多品之事也云今存於民間多者有貨布大泉貨泉者言莽亡後所作泉布並廢至鄭君時民間所存者惟此三品爲多也云貨布長二寸五分廣寸首長八分有奇廣八分其圜好徑二分半足枝長八分其右文曰貨左文曰布重二十五銖直貨泉二十五者漢食貨志云天鳳元年罷大小錢改作貨布長二寸五分廣一寸首長八分有奇廣八分其圜好徑二分半足枝長八分閒廣二分其文右曰貨左曰布重二十五銖直貨泉二十五鄭所據也云大泉徑一寸二分重十二銖文曰大泉直十五貨泉者亦據漢志文已詳前宋建陽本無貨泉二字亦通賈疏云案彼大泉直五十不云五十言

十五者亦誤當從五十爲正也詔讓案周語注引此注作文日大泉五十與漢志同疑今本脫誤彼注又引唐固說以大泉爲周景王所鑄亦誤云貨泉徑一寸重五銖右文曰貨左曰泉直一也者亦天鳳元年所作漢志云貨泉徑一寸重五銖文右曰貨左曰泉直一是也共王及后世子之衣服之用凡祭祀賓客喪紀會同軍旅其其財用之幣齊賜予之財用齊行道之財用也聘禮曰間幾月之齊鄭司農云齊或爲資今禮家定齊作資玄謂齊資同耳其字以齊次爲聲從貝變易古字亦多或疏共王及后世子之衣服之用者謂共泉與司服內司服追師弁師屢人玉府諸官用之也云凡祭祀賓客喪紀會同軍旅共其財用之幣齊者以下並專屬王之用不爲后世子也亦並共泉

與之賈疏二云幣齋之財用謂王使公卿已下聘問諸侯之行道
所用則曰幣齋案經云財用之幣齋與下賜予之財用互文疏
以文例整齊之則二云幣齋之財用凡疏述經注不必盡依元文
也此幣卽小行人六幣之等與職幣義異祭祀以下五者所用
幣齋蓋謂共王及諸臣行道之用及問勞大小賓客若祭祀有
助祭喪紀有弔送會同軍旅則或來會或徵告皆有財幣賈專
據聘問言則與經總承上五事者不相應矣云賜予之財用者
卽內饔好賜亦卽大宰之好用詳大府疏易祓云此卽上文所
謂待邦之用凡有法者也法九式是也共王及后世子衣服之
用則大宰羞服之式祭祀賓客喪紀會同軍旅之幣齋賜予之
財用則又大宰祭祀賓客喪荒芻秣匪頒好用之式注云禮

行道之財用也者漢書食貨志云行者齎居者送顏注云齎謂
將衣食之具以自隨也廣雅釋言云齎裝也漢書霍去病傳約
輕齎顏注云齎字與資同謂資裝也案依鄭巾車注則齎本訓
財而此特云行道之財用者以經幣齎與財用連文不當總訓
爲財故以行道別之然則此齎猶言持也謂行道所持之財用
小宗伯云大賓客受其將幣之齎注云謂所齎來貢獻之財物
此幣齎義當與彼同彼爲齎來之物此爲齎去之物凡禮幣及
行道辨裝通爲幣齎皆外府所共也通言之齎卽爲財用少儀
云君將適他臣如致金玉貨貝於君則曰致馬資於有司彼馬
資與此幣齎義亦略同引聘禮曰問幾月之齎者聘禮記記聘
使將行之禮云旣受行出遂見宰問幾月之資鄭彼注云資行

用也古者君臣謀密草創未知所之遠近問行用當知多少而已古文資作齎案彼依今文作資此經字與古文同故鄭卽從古文作齎引之也鄭司農云齎或爲資者謂故書或本也不云故書者文略丁晏云掌皮先鄭注齎或爲資典婦功注故書齎爲資杜子春讀爲資典枲注故書齎作資攷工記注故書資作齊杜子春云齊當爲資古齎齊資並通用云今禮家定齎作資者先鄭據聘禮記今文作資與古文異今禮家卽謂禮今文家也云玄謂齎資同耳其字以齊次爲聲從貝變易古字亦多或者段玉裁云此司農說禮家定齎當作資而鄭君非之謂二字皆可用齎從貝齊資從貝次聲質一字也古字亦多或者謂古字多或體如說文多云某或某字者是也說文貝部資貨也

齎持遺也不云是一字似較鄭君爲長詒讓案齎資兩文杜許並分爲二先鄭則兩列其字不敢決定後鄭則徑合之故全經字並從齎而訓解則兼取許書二義如巾車毀折入齎於職幣窮不從杜讀爲資而從其資財之訓此與許書資字說解同者也此職幣齎注謂行道之財用小宗伯將幣之齎注謂齎來之財物掌皮歲終則會其財齎注云所給予人以物曰齎橐人掌受財于職金以齎其工注云給市財用之直與姑功以授婦婦及內人女功之事齎注云謂以女功之事來取絲枲日行道日齎來日給予日來取此並與許書齎字說解持遺之義略同而日財用日財物日絲枲則又兼取資財之義然則後鄭雖合二字爲一不及許之分析而隨文作訓義則二者兼備未嘗偏持

一說矣至考工記總敍或通四方之珍異以資之注云貢取也操也此亦與持遺義同依許書正當作齎而鄭顧從資者以彼記故書作齎爲齎之同聲假借字義更不及資之明切故不得不從今書耳凡邦之小用皆受焉皆來受疏凡邦之小用皆受

焉者小用蓋共二夫人與諸王子以下之衣服及大宰九式之小者若小司馬云小祭祀會同饗食師田喪紀等諸事之用又大府有王玩好之用皆是對上文共王后世子衣服及祭祀資客喪紀會同軍旅等財用爲邦之大用也凡大用小用皆爲法用則告此官共其泉布賈疏謂外府所納泉布所積既少有小用則給之若大用則取餘府失之注云皆來受者謂主用者來取外府給之彼則受也經文云皆受嫌此官受彼故特釋之

歲終則會唯王及后之服不會疏歲終則會者此正邦布之歲會外府之官成也云唯王及后之服不會者膳夫注云不會計多少優尊者是也賈疏云言王及后不會以衣服異於膳羞與所加禽獸故通世子可以會之也

司會掌邦之六典八灋八則之貳以逆邦國都鄙官府之治逆受而鉤考之疏掌邦之六典八灋八則之貳者此執國典之副

與小宰大史內史爲官聯也司會總天下會計之成爵尊任重凡治官官法之大者並大宰掌其正本此官掌其副貳其職蓋亞於六卿故大戴禮記盛德篇云大官以爲稽司會均人以爲勅又大司寇邦大盟約之盟書司會皆受其貳而藏之則約劑之屬亦其所掌不徒典法則矣互詳大宰小宰疏注云逆受

而鉤考之者小宰注云逆迎受之又鄉師注云逆猶鉤考也鬼谷子權篇陶弘景注云求其深微曰鉤國語晉語韋注云考校也鉤考亦謂鉤求考校之察其是非也以九貢之灋致邦國之財用以九賦之灋令田野之財用以九功之灋令民職之財用以九式之灋均節邦之財用掌國之官府郊野縣都之百物財用凡在書契版圖者之貳以逆羣吏之治而聽其會計郊四郊去國百里野甸稍也甸去國二百里稍三百里縣四百里都五百里書謂簿書契其最凡也版戶籍也圖土地形象田地廣狹疏以九貢之灋致邦國之財用者以下總掌財用之法與小宰大府爲官聯也賈疏云九貢卽是大宰九貢其所貢之物出於諸侯邦國言之財用謂諸侯於其民什一取之既取得民物大

國貢半次國三之一小國四之一所貢之物皆市取土毛貢於天子則禹貢所云厥篚厥貢是也故云致邦國之財用此卽小行人云春令入貢是謂歲之常貢大行人因朝而貢者所貢無常不應使司會致之案賈說邦國之貢據大司徒後鄭注說謂次國貢三之一小國貢四之一義與彼經不合詳彼疏云以九賦之課令田野之財用者明九賦爲地稅之正法也上九貢出於畿外邦國以其自遠而至故曰致此及下九功並出於畿內以其斂之於近故曰令謂以其書令凡稅斂之吏依法征之也賈疏云此九賦卽大宰所云九賦斂財財是也言法者謂口率出幾多少有其定法九賦之內惟有闢市幣餘國中非田野自外四郊邦甸家稍邦縣邦都山澤盡是田野據多言之故曰令

田野之財用案九賦卽畿內之地稅故經云令田野之財用若如鄭賈說以爲口賦則與經義不相應矣九賦關市幣餘之賦卽出於官府賈後疏謂官府不出賦亦誤並詳大宰疏云以九功之灋令民職之財用者九功與大府內府義同大宰以九職任民而貢其功猶後世之口賦鄭賈謂卽什一之地稅非也詳大宰內府疏云以九式之灋均節邦之財用者與大宰同上三者爲斂入之法此爲頭出之法故云均節詳大宰疏云掌國之官府郊野縣都之百物財用凡在書契版圖者之貳者此與宰夫司士職方氏司民爲官職也賈疏云案大宰九賦一日邦中二日四郊此不言邦中而言官府者以官府在邦中故舉官府以表邦中其實官府不出賦也百物財用者以其民之出賦不

必皆使出泉以百物當之亦得故大宰云九賦斂財賄則此百物財用一也但九式用九賦大宰均節而用之此司會主鈞考故亦言之矣此書契版圖下文司書掌其正此司會主鈞考故掌其副貳曾釗云此經不掌賦蓋謂掌官府郊野縣都之百物財用之在書契版圖者之貳逆羣吏之治而聽其會計耳不必謂舉官府以表邦中也當以掌國之官府郊野縣都之百物財用凡在書契版圖者之貳絕句其言書契謂官府之書契版圖謂郊野縣都之版圖百物財用謂官府郊野縣都之出入賈疏讀財用絕句誤矣案曾說是也黃以周說同此經官府蓋通六官所屬百官府言之郊野縣都則自國城外極於五百里置此官總攷其會計職掌蓋通於畿內不及國中者言如以包國中

文不具也百物財用者宰夫注云財泉穀也用貨賄也物畜禽
也案百物者小宰六職云政職以聚百物事職以生百物又見
外府司書綜校諸文則百物當通晐大司徒五地動物植物及
閭師百工所貢器物之等言之宰夫注義殊未晐也百官府及
郊野縣都皆有府藏委積廢牧則各有財物存儲及出入故藏
內有官府都鄙財入之數職歲有官府都鄙財出賜之數凡此
財用出入之數則在書契官祿民賦之數則在版田野地產之
數則在圖經云在者明官府郊野縣都百物財用之總要咸具
於此官府之長郊野縣都之吏各分執其正太此官則通執其
副貳以待會計也賈疏乃以此爲專據九賦言之遂謂官府爲
邦中之賦百物爲出物以當賦賦其誤甚矣又司書卽司會之

屬官所掌版圖亦卽副貳賈謂彼掌其正亦誤云以逆羣吏之
治而聽其會計者謂據書契版圖等以考吏治之舉廢羣吏與
大宰小宰義同亦通內外百官府言之詳大宰疏賈疏云羣吏
謂朝廷官府下及羣都縣邑羣臣之治皆逆而鉤考之羣吏以
官計文書送於司會者司會皆聽斷之

注云郊四郊去國百

里者大宰注義同此四郊兼六甸當通王城以外至百里界言
之賈謂據遠郊言該云野甸稍地者賀人注同甸而注云郊外
日野縣士注云距王城二百里以外至三百里日野是也蓋甸
稍在鄉郊之外縣都之內此及遺人賃人諸職通謂之野縣師
遜人縣士經注並以野爲甸稍縣都之通名此文郊野之升別
出縣都故知野不兼縣都也此野當兼六遂八邑家邑言之云

甸去國二百里稍二百里縣四百里都五百里者大宰注義並同此縣都當通公邑大小都言之云書謂簿書者謂會計之書著於簿籍者釋名釋書契云笏或曰簿可以簿疏物也案孟子萬章篇云孔子先簿正祭器趙注亦以簿爲簿書則周時已有簿書之名賈疏謂舉漢法而言非也互詳敍官及小宰疏云契其最凡也者小宰注云凡簿書之最目獄訟之要辭皆曰契是也最凡與最目義同賈疏云此之書契卽小宰八成取予以書契之類最凡謂計要之多少以爲契要案亦詳小宰疏云版戶籍也者小宰先鄭注同小司寇司民之民數凡登於天府者司會皆受其貳卽所謂版也云國土地形象田地廣狹者據司書大司徒並云土地之圖形象謂方圓邪正之形田地廣狹謂廣

輪步歲之數並載於圖也以參互攷日成以月要攷月成以歲會攷歲成參互謂司書之要貳與職內之入職歲之出故書互爲巨杜子春讀爲參互疏以參互攷日成者此官贊家宰總掌六官會計之事與小宰爲官聯亦斯謂官成也賈疏云司會鉤考之官以司書之等相參交互考一日之中計筭文書也黃以

周云日謂十日日成謂旬日之成猶漢旬謂之浹日也宰夫職云歲終令正歲會月終令正月要旬終令正日成文義與此相同則日成爲十日之成可知也云以月要攷月成以歲會攷歲成者月要歲會卽小宰八成所謂聽出入以要會也賈疏云月計日要亦與諸職參互考一月成事文書也歲計日會以一歲之會計考當歲成事文書注云參互謂司書之要貳與職內

之入職歲之出者賈疏云案司書職云凡稅斂掌事者受法焉
及事成則入要貢焉又案職內云掌邦之賦入又案職歲云掌
邦之賦出云參互鉤考明知有此三官出內事共鉤考之云故
書互爲巨杜子春讀爲參互者脩闈氏云掌比國中宿互築者
注云故書互爲巨鄭司農云巨當爲互與此義同互巨形聲並
相近故傳寫易譌掌舍梓桓故書桓爲桓杜讀桓爲桓亦其比
例以周知四國之治以詔王及冢宰廢置周猶爾也言四國者
本逆邦國之治亦鉤考以牛疏以周知四國之治者以歲成贊
冢宰大計攷天下吏治之舉廢亦所謂官計也云四國者舉外
以包內此官總掌邦計凡邦國官府都鄙鄉遂公邑之治皆其
所通掌也云以詔王及冢宰廢置者大宰云歲終則令百官府

名正其治受其會聽其致事而詔王廢置又八則治都鄙三日
廢置以取其吏是大宰本以廢置詔王司會既受諸會計官之
歲計而聽之又入之冢宰而以吏事之得失詔王及冢宰以六
官之官計爲其所專司也廢置亦通內外官吏及官長等凡治
脩舉者則進置之怠弛者則黜廢之王制云天子齊戒受諫司
會以歲之成質於天子冢宰齊戒受質大樂正大司寇市三官
以其歲從質於天子鄭彼注云歲終羣臣奏歲事市司市也從
從於司會也此卽致歲成詔王及冢宰廢置之事注云周猶
猶也者大司徒小司徒司稼大祝司隙注並同說文口部云周
密也又勺部云角而偏也凡經典訓周偏者皆角之借字廣雅
釋詁云周偏也云言四國者本逆邦國之治亦鉤考以告者賈

疏云案上云掌邦之六典以逆邦國之治逆卽鉤考也方苞云月令每歲季秋制諸侯來歲所賦於民輕重之法貢職之數則古者邦國之要會皆達於天子矣

司書掌邦之六典八灋八則九職九正九事邦中之版土地之圖以周知出入百物以敘其財受其幣使入于職幣九正謂九賦九貢正稅也九事謂九式變言之者重其職明本而掌之非徒相副貳也敍猶比次也謂鉤考其財幣所給及其餘見爲之薄書故書受爲授鄭司農云授當爲受謂受則幣之薄書也玄謂亦受錄其餘幣而爲之簿書使之入於職幣幣物當以時用之久藏將朽蠹而掌邦之六典八灋八則九職九正九事邦中之版土地之圖以周知出入百物以敘其財者此通掌治官

法官成官計之書及王畿版圖之法以致會計與小宰大府大司徒大史內史職方氏司民爲官隸也邦中之版者大宰注云邦中在城郭者此官職事通於畿甸則不當止掌王城內民數之版蓋以王城爲官府人民所萃故舉以晐百縣文不具也土地之圖者卽職方氏天下之圖此則據畿內言之賈政云言掌邦之六典已下至周知入出百物已上所掌與司會同者以其司會主鈎考司書掌書記之司書所記司會鈎考之故二官所掌其事通焉九職卽司會九功也九正卽司會九賦九貢也九事卽司會九式也邦中之版土地之圖卽司會版圖也周知入出百物者卽司會百物財用一也敍謂比次其財知用多少云受其幣使入于職幣者賈政云百官所用餘財送來與司書司

書父其幣使入於職幣之官不入本府案受其幣幣與大宰大
府幣餘之賦義同幣鄭讀爲貲貢卽官府所用之餘也鄭貢並
如字釋之非經義詳大宰疏注云九正謂九賦九貢者賈疏
云案上司會有九賦九貢此司書則有九正無九賦九貢故知
九正則是九賦九貢也云正稅也者讀正爲征也釋文云九正
首征注同案陸音是也司勳先鄭注云正謂稅也司門注云正
讀爲征征稅也此不著其讀者文略與司勳注例同九賦爲地
稅故掌文謂之九稅征稅義同九貢雖出於邦國亦征於民而
共其物故亦通謂之正正征字通詳小宰疏賈讀正如字以謂
九賦九貢正稅也爲句謂此二者之財皆出於正稅依其說則
正爲正共之義非鄭指也云九事謂九式者貢疏云九式據用

則言之九事據用財所爲之事其理一也云變言之者重其職
明本而掌之非徒相副貳也者賈疏云謂變九賦九貢言九正
變九式言九事也重以其職明本而掌之非徒相副貳也其相
副貳者謂司會六典八法八則之貳是也案鄭賈意蓋謂司書
自掌九正九事之正本不徒如小宰大府賦內職成掌其副貳
故變文以見義也云敍猶其次也者敍注例當作序詳小宰疏
說文敍部云敍次弟也敍本爲事有次弟之義引申之凡比例
次弟亦謂之敍故云猶其次也云謂鈞考其財幣所給及其餘
見爲之之祿書者漢書王莽傳顏注云見現在也餘見亦見申眉
嘉傳蓋漢時常語謂百官府所載財幣除已給用外餘畱見在
若經云敍其財注兼言幣者鄭以受幣爲幣帛也賈疏云司書

周知入出百物以敍其財明知敍其財者所給諸官餘不盡者卽以餘見爲之薄書擬與司會鉤考之云故書受爲授鄭司農云授當爲受者授從受得聲故傳寫易誤段玉裁云此從司農以爲聲之誤而改之也丁晏云典婦功注授當爲受聲之誤也掌葛注故書受或爲授杜子春云當爲受云謂受財幣之薄書也者先鄭不知幣當讀爲敝而以爲幣帛故云財幣之薄書其說非也云玄謂亦受錄其餘幣而爲之薄書使之入於職幣者此從先鄭以授爲受而以幣爲餘幣義長於先鄭云幣物當以時用之久藏將朽蠹者賈疏云釋經百官餘幣不入於本府而入於職幣之意若入本府卽是久藏將朽爛蠹敗故入職幣使人占賣之本在生利也詔議案後雖以幣爲餘幣而兼以

幣物爲說義仍未憭凡上之用財用必攷于司會上謂王與冢
宰王雖不會亦當知多少而闕之司會以九式均節邦之財用
疏凡上之用財用必攷于司會者王引之云經兩用字複出文
不成義下用字蓋因注而衍賈疏云此經上之用用必考於司
會者又云司會以九式均節邦之財用者據此則注文作財用
經文則作用財不得云用財用也唐石經始誤衍案王說是也
此用字疑卽下釋氏之財用之稅文誤移著此者司書爲司會
之屬故凡財用之出必就司會攷而書之以備要貳也注云
上謂王與冢宰者以冢宰爲天官之正司書卽冢宰之屬故亦
謂之上也賈疏云案內府職云凡王及冢宰賦與則共之明此
上中有冢宰可知云王雖不會亦當知多少而闕之者明王之

用財亦在司書司會所攷之列但爲簿書時闕其數示不爲限制耳賈疏云案上膳夫庖人及外府等皆言王及后不會此經上之用財必考於司會者此之所考但知多少而闕之非是會計與王爲限云司會以九式均節邦之財用者據司會文以司會爲計官之長司書乃其屬故必考於彼也二歲則大計羣吏之治以知民之財器械之數以知田野夫家六畜之數以知山林川澤之數以逆羣吏之徵令械猶兵也逆受而鉤考之山林川澤童枯則不稅疏三歲則大計羣吏之治者亦贊大宰治官計也大計者通計畿內百官府之吏察其政治得失羣吏與大宰小宰司會義同詳大宰疏云以知民之財器械之數以知田野夫家六畜之數者王引之云賈疏釋經曰以知民之財用器

械之數者民之財用謂幣帛多少則所據經文財下有用字財用器械相對爲文與田野夫家六畜山林川澤文義乃相稱也唐石經始脫用字案王說是也民之財用謂家有恒產稽其貧富器若總師輦輦鄉器逐大夫稼器械謂兵甲旗物田野可食之士夫家可任之民六畜則馬牛之等凡案比所及者皆總攷其數也此案比任土任民財用百物之數卽小司徒之比法三年大比與大計事相因也州長云三年大比則大致州里以贊鄉大夫廢興縣師二云三年大比則以攷籍吏而以詔廢置彼因大比而察吏與此因大計而知任土任民之數事同蓋田野之蕪閑戶口之息耗咸與吏治之舉廢相通故大計與大比皆三年一舉而其條法簿要互相出入亦與小司徒鴈大夫縣師爲

官職也云以知山林川澤之數者此虞衡所掌任士任民之餘亦比法之所及也賈疏云案大司徒地有十等不言丘陵墳衍原隰者略言之也云以逆羣吏之徵令者徵令謂宣布法令通陔徵役徵賦二義詳宰夫疏賈疏云逆謂鈎考也此司書知民之財器已下川澤已上恐其羣吏濫徵斂萬民故知此本數乃鈎考其徵令也注云械猶兵器者明經言器械猶玉府內府云兵器也說文收部云兵械也太部云械一曰器之總名也少儀不度民械注云械兵器也公羊莊三十一年傳儀而牙殺械成何注云有攻守之器曰械是械器義同析言之則凡師田攻守甲兵之屬通名爲械也云逆受而鈎考之者司會注同云山林川澤草木則不稅者釋名釋長幼云山無草木曰童賈疏云

山林不茂爲草川澤無水爲枯所稅者稅其有今山林不茂則無木材川澤無水則無魚鼈蒲葦故不稅之凡稅斂掌事者受

憲焉及事成則入要貳焉法猶數也應當稅者之數成猶單也

疏凡稅斂掌事者受憲焉者稅斂通任地任民之征賦言之法

卽前九職九正之法掌斂事之官並於此官受法數依而斂之

也掌事謂地治之吏及執事凡專司徵斂者皆是賈疏謂若地

官閭師旅師諸徵斂之官今攷凡征賦國中四都閭師斂之鄉

遂鄉師遂師與閭師同斂之公邑縣師斂之旅師唯斂三粟則

非稅斂之正也賈說未該云及事成則入要貳焉者此稅斂之

官成也事畢則有成卽司會所謂日成月成歲成名官皆爲要

會其正本入大宰副本則入司書也賈疏云及事成收斂畢入

司禮正義

禮十二

三九一楚學社本

要謂寫一通副貳文書名爲要入司書必來受法又入要貳者以司書知財器已下之數擬後鉤考之也注云法猶數也者此亦注用今字也法訓數者引申之義管子七法篇云尺寸也繩墨也規矩也衡石也斗斛也角量也謂之法是凡會計等數並謂之法也云應當稅者之數者賈疏云卽上田野夫家之等是其本出稅者之數也云成猶畢也者說文戌部云成就也引申爲凡事終畢之稱士喪禮獻素獻成注云飾治畢爲成亦其義也凡邦治攷焉考其法於司書疏凡邦治考焉者謂政治有疑互辨訟不決者皆就此官攷之賈疏謂吏治之善惡非也注云考其法於司書者經作攷注作考亦經用古字注用今字也邦治有成法皆藏於司書故還就考之也

職內掌邦之賦入辨其財用之物而執其總以貳官府都鄙之財入之數以逆邦國之賦用辨財用之物處之使種類相從總謂簿書之種別與大凡官府之有財入若關市之屬疏掌邦之

賦入者此計官財入之官成也賈疏云謂九賦九貢九稅之稅

入皆掌之獨云賦入者賦是摠名下言賦者皆此類也云辨其

財用之物而執其總者此官唯主百官府財入之凡總其受藏

則各自有職之者但辨使各從其類耳不必皆入於職內之府

也云以貳官府都鄙之財入之數以逆邦國之賦用者此及職

歲穀幣三職並云官府都鄙之財則司會所云掌國之官府郊

野縣都之百物財用也舉官府都鄙以通包郊野縣等明其無

不掌也賈疏云都鄙謂三等采地采地之稅四之一言貳者謂

職內受取一通副貳文書據鉤考以逆邦之賦用者職內既知財入之數鉤考用賦多少知其得失案賈謂采地之稅四之一入王者據小司徒注義其說未確詳小司徒疏注云辨財用之物處之使種類相從者敍官注云辨別也謂分別其賦入之財物自以種類相從而藏之貴政云但賦之所入先由職內始至大府大府分致於眾府以是分別使眾類相從案賈說非也此官雖自有府藏然唯掌會計不掌徵斂故總辨百官府之財用亦仍就各職當官之府分別存儲蓋職內職歲通掌財之出入亦止執其凡總財入不必皆由職內受入大府財出亦不必皆由職歲受大府而出之故經於職幣有斂幣振財之文而此及職歲兩職則無之足以明之矣云總謂簿書之種別與大凡

者種別謂名物之細目大凡謂多少之都數也凡眾物出入細
目則以種類分別書之又率較其都數一者並總爲鈎書說文
系部云總聚束也淮南子木經訓高注云總凡也云官府之有
財入若關市之屬者賈疏云司關司市皆屬比官關市皆有出
稅故知官府之有財入若關市也言之屬者兼有城十二門亦
有稅入案百官府又有幣餘之入賈說未陔凡受財者受其貳
令而書之受財受於職內以給公用者貳令者謂若今御史所
寫下本奏王所司者書之若言某月某日某甲詔書出某物若干
給某官某事凡受財者受其貳令而書之者賈疏云其有
官府公用官物而受財者並副寫一通勅令文書與職內然後
職內依數付之又云若然職內王入職歲主出職內分置於眾

府所以得有物出與入者職內雖分置眾府職內亦有府貨賄
留之者故得出給故大府職云頒其賄於受用之府鄭注云受
用之府若職內是也案賈說非也此官唯掌書貳令不必自出
給財物詳後注云受財受於職內以給公用者者鄭意職內
掌財用之物凡受財者卽向職內受之知給公用者別於賜予
爲私用非職內所給然謗審經義實不如鄭說蓋此受財者卽
謂以上令受財於百官府如受泉者卽自向外府泉府取之但
以令送致此官書其副貳以備鈞考非必皆此官取百官府之
財以授之也云貳令者謂若今御史所寫下本奏王所可者者
鄭舉漢制爲況也續漢書百官志云侍御史十五人六百石掌
察舉非法受公卿羣吏奏事有違失舉劾之是漢時御史掌受

章奏凡臣下上書上可其請御史蓋寫其本爲副貳與此職者
貳令事相類鄭云若今御史明此御史自是漢官而云王所可
者頗文便也賈疏不察乃據春官御史職云掌贊書官凡其用官
財者先奏白王王許可則御史贊士爲辭下職內職內則書之
爲本案然後給物與之依其說則鄭不當言今失之遠矣又案
依鄭義推之則此貳令當爲王及冢宰所下之令其正令下所
出財用之府而別以貳令下職內使書之此前據國之大用及
非常之頒賜言之若尋常小用自有式法不必有專令也云書
之若言某月某日某甲詔書出某物若干給某官某事者丁晏
云獨斷云詔書羣臣有所奏請尙書令奏之下有制天子荅之
曰可若下某官云云亦曰詔書又奏左方下附曰某官臣某甲

上駁議曰某官某甲議其合於上意者又報曰某官某甲議可
詔讓安此亦約漢制爲說或某甲謂日辰與獨斷某甲謂人姓名
異詳馮相氏疏某事謂因某事而給財說文敍後云十月十九
日申黃門饒喜以詔書賜召陵公乘許沖布四十匹卽日受詔
朱雀掖門敕勿謝此漢時書臣下受賜物之例職內書公用蓋
亦類此及會以逆職歲與官府財用之出亦參互鈞考之疏及
會以逆職歲與官府財用之出者卽以所執財用之總與所書
之貳令以攷歲會贊司會而與職歲歲幣共核計之也賈政云
言會者謂至歲終會計以逆職歲者逆謂鈞考也職歲主出職
內主人以已之入財之數鈞考職歲出財之數又云與官府財
用之出者謂職歲出財與官府財用之數並鈞考之注云亦

參互鉤考之者亦謂逆爲鉤考與司會司書注義同賈疏云按司會以參互考之鄭彼注云參互謂司書之要貳職內之入職歲之出以三官相鉤考此職內逆職歲明兼有司書之要貳故言參互言亦者亦如大府也而敍其財以待邦之移用亦鉤考今藏中餘見爲之簿移用謂轉運給他疏而敍其財以待邦之

移用者此鉤考幣餘之財與職幣爲官聯也

注云亦鉤考今

藏中餘見爲之簿者亦冢上司書云以敍其財明其文義同也但此承上官府財用爲文則職內雖是有府藏而其所比次鉤考爲之簿者則廣陔眾有府藏官而言賈疏謂此斂財亦謂比次職內藏中餘見爲簿書以待邦之移用若然職內既非常府其所藏者唯當歲所用故用不盡者移用之非經注義也云移

用謂轉運給他者說文疋部云送遷徙也移卽送之疋字廣雅釋詁云移轉也謂當官有餘財更轉運給他官之用遣人掌邦之委積以待施惠注云委積者廩人倉人計九穀之數足國用以其餘共之所謂餘法用也職內邦之移用亦如此也彼遣人之委積亦備餘財移給他用足以相況也

職成掌邦之賦出以貳官府都鄙之財出賜之數以待會計而攷之以貳者亦如職內書其貳令而編存之疏韋邦之賦出者此計官財出之官成也此官亦唯主百官府財出之凡總其出給各自有職之者不必職成自取給之也賈疏云職內主入職歲主出職內所入於眾府所用之多少皆主之故云掌邦之賦出但九貢九賦九功之用皆主之特言賦者亦如職內云賦賦

是類稱也云以貳官府都鄙之財出賜之數者賜卽下云凡上之賜予是也賈疏云職內云以貳官府都鄙之財入之數此職歲亦貳官府都鄙之財出賜之數一官一入一出皆書其貳共相銘考故職內云以逆邦國之賦用此職歲云以待會計而考之其事通也注云以貳者亦如職內書其貳令而編存之者設文系部云類次簡也賈疏云職內云凡受財者受其貳令而書之此官主出所出亦皆由上令所出前後不同亦皆書其貳令編存爲案以待會計而考之也凡官府都鄙羣吏之出財用受式瀆于職歲百官之公用式法多少職歲掌出之舊用事存焉疏注云百官之公用式法多少職歲掌出之舊用事存焉者此亦注用今字作法也百官公用卽外府邦用有法者式法卽

大宰九式之法與大宰頒財式法同凡百官府及都鄙羣吏出財用皆須依放九式之法爲多少之節度以其爲職歲常所乘以用事故卽就之受出財舊法式以頒授之也凡上之賜予以敍與職幣授之敍受賜者之尊卑疏凡上之賜予以敍與職幣授之者此與職幣爲官職也王及冢宰凡賜予之用當以幣餘

之財給之則是出於職幣之府以此官掌財出之數故兼泄其事一二官同授之且攷其會計也賜予謂好賜亦卽大宰九式好用之式也晏子春秋諫上篇云景公燕賞於國內萬鍾者三千鍾者五令二出而職計莫之從職計蓋卽此職歲職幣之屬

注云敍受賜者之尊卑者敍注例當作序此與小宰六敍義同謂若數人同受賜則各依其秩次尊者先授卑者後授敬嚴與

職幣同敍之也及會以式灋費逆會助司會鉤考羣吏之計疏

注云助司會鉤考羣吏之計者此費司會而與職幣共攷

會計之書也州長注云贊助也司會注云逆受而鉤考之賈疏

云案司會以逆羣吏之治而聽其會計此官主式灋出財用至歲終會計之時則以式法費助司會鉤考會計之事職幣掌式

灋以斂官府都鄙與凡用邦財者之幣幣謂給公用之餘凡用

邦財者謂軍旅疏

掌式灋以斂官府都鄙與凡用邦財者之幣

者此官掌大宰九職幣餘之賦亦依式灋校計其財用有贏餘

者而斂之

注云幣謂給公用之餘者幣讀爲敝餘也詳大

宰疏給公用之餘謂九式所用之餘也故還以式法斂之云凡

用邦財者謂軍旅者以其在官府都鄙之外也惠士奇謂邦財

周禮正義

禮十二

者外府凡祭祀賓客喪紀會同軍旅財用之幣齎皆是也案惠
說近是凡者率較之辭蓋通關諸法用而言鄭謂專指軍旅似
未晐振掌事者之餘財振猶攤也檢也掌事謂以王命有所作
爲弁言斂幣後言振財互之疏注云振猶攤也檢也者檢舊本
作攢今據朱建陽本注疏本正說文手部云攢拱也非此義王
念孫云經言斂言振注言攤言檢皆謂收取之也中庸振河海
而不泄鄭注曰振猶攤也張揖注上林賦同孟子萬章篇曰金
聲而玉振之也廣雅曰收斂攤取也又攤收也孟子梁惠王篇
狗彘食人食而不知檢趙岐注曰檢斂也漢書食貨志贊引孟
子作不知斂斂亦收也振攤檢斂四字同義故曰振猶攤也檢
也賈不曉振字之義又不曉攤字檢字之義乃云以財與之謂

之折此誤以折爲折濟之折知其足剩謂之檢此誤以檢爲檢察之檢案王說是也云掌事謂以王命有所作爲者賈疏云以其上經官府已下是其國家常事此別言掌事是王命有所作爲詒讓案大府云凡官府都鄙之吏及執事者受財用焉此掌事餘財卽吏及執事者所受財用之餘也惠士奇云巾車之毀折八其商泉府之賑貸納其餘是爲掌事者之餘財案惠說亦注義所據云先言斂幣後言振財互之者互之猶庭氏注云互言之王念孫云上言斂幣而不言振財下言振財而不言斂幣者言幣則兼財言財則兼幣互文耳故云先言斂幣後言振財互之賈誤以振爲振濟之振又云今於上文直言斂不言振亦振之下言振財有餘亦歛之可知故言互之也此不得其解而

強爲之解案王說亦是也皆辨其物而奠其錄以書揭之以詔錄籍鄭司農云揭之若今時爲書以著其幣疏皆辨其物而奠

其錄者此計官餘財之官成也賈政云上經既斂得幣皆當辨其物知其色類及善惡而奠其錄者謂定其所錄簿言色別各入一府云以書揭之者賈疏云謂府別名爲一牌書知善惡價數多少謂之揭云以誌上之小用賜予者內府云以待邦之大用注云大用朝輶之班賜彼注以頒賜釋大用疑鄭意此賜子亦卽小用矣今致外府云共賜予之財用又云凡邦之小用皆受焉是賜予與小用自是一事小用法用之小者猶倉人云餘法用蓋大用小用皆不出大牢九式之外但以事分大小遂有

差別耳幣餘爲羨餘之財故以共小用又大府云幣餘之賦以
待賜予故此亦以詔賜予也賈疏云詔猶告也職幣旣知府內
則告上之王與冢宰小用賜予之事此謂常賜予玉府所云凡
王之好賜共其貨賄及內府云凡王冢宰之好賜此二者非常
賜予外府及典絲枲三官言賜予者與此職幣同亦是國家常
賜予案賈說非也此賜予亦謂好賜與常賜予異又案大府云
凡式貢之餘財以共玩好之用彼亦據幣餘之財而言則此小
用內當亦兼有玩好之用矣並詳大宰及大府疏注云奠定
也者司市小史弓人注並云奠讀爲定是奠定聲近義亦通也
云故書錄爲祿杜子春云祿當爲錄者祿錄聲類同亦通作榮
周書王會篇云堂下之東面郭叔掌爲天子榮幣焉孔注云榮

諸侯之幣也彼幣爲幣帛與此異而錄義與此同云定其錄籍者杜亦訓奠爲定也廣雅釋詁云錄具也說文竹部云籍簿也凡財物之名數具於簿籍故通謂之錄奠其錄謂次第財幣名物善惡多少記錄定著於簿籍也鄭司農云揭之若今時爲書以著其幣者職金云辨其物之嘉惡與其數量揭而亟之先鄭注云揭書其數量以著其物也國語晉語韋注云著附也案揭者械杖也此云以書揭之猶典端功云物書而揭之泉州云物揭而書之並謂書其名數於杖以爲表識而附著之其物之側也揭詳泉州職金疏歲終則會其出疏歲終則會其出者此正幣餘之歲會驗幣之官成也賈疏云以其職幣主出故歲終與司會會之下贊之亦謂贊司會之會事也凡邦之會事以式

灑贊之

周禮正義

禮十一

四六

楚學社本

周禮正義卷十二終